

Zastupnik Vedran Jakupović

Zastupničko pitanje

Ministarstvo visokog obrazovanja nauke I mladih

Sta je cilj projekata? Povećanje vidljivosti naših naučnika u svjetskim bazama, benefit za društvenu zajednicu ili povećanje nivoa opremljenosti naših visokoškolskih ustanova ili nešto dodatno? Ko su bili članovi komisije koja je utvrđivala kriterije za voditelje projekata i to po naučnim oblastima?

Zbog čega su određeni kriteriji koji kao isključni kriterij koriste privatne, varijabilne baze WOS i Scopus koje su prisutne 20tak, a u modi zadnjih 5-6godina koje nisu i ne mogu biti jedino mjerilo nivoa naučnog rada. A postavljen je kao kriterij isključivanja a ne dodatnog bodovanja. Koja je korelacija izmedju objavljivanja u ovim bazama i sposobnostii da se napravi i vodi dobar projekat.

Tražim od vas i od UNSA tačan broj ljudi, akademskog osoblja sa UnSa koji mogu konkurisati na ovaj javni poziv i to po fakultetima. Neki fakulteti odnosno grupacije, konkretno medicinska su diskriminisani ovim kriterijima. Isto se može reći i za neke tehničke poput arhitekture pa i humanističkih nauka. Paradoks je javno zdravlje.

Koja komisija ocjenjuje projekte, a ko određuje i ko plaća recenzente za ocjenu projekata u drugoj fazi?

Ko može garantovati objavljivanje rada iz projekta u Q3 u WOS ili Scopusu, a što je uslov za pravdanje sredstava.

Kod ocjenjivanja časopisa koje su to "neke od citatnih baza" jesu li to opet WOS, Scopus ili Google scholar ili neka četvrta ili peta. Podnio sam inicijativu za poticaj izdavanja časopisa koji nisu u bazama, neće ni biti u bazama koje se traže, a moramo ih finansijski podržati u cilju podizanja kvaliteta domaćeg izdavaštva u oblasti nauke.

U kriterijima osim zaposlenih na javnim ustanovama mogu aplicirati i angažovani. Zašto i ko su angažovani.

Kriteriji za mlade i starije istraživače su isti. Koliko je to stimulatívno za mlade istraživače.

Kako će riješiti problem novca koji se treba potrošiti do kraja ove godine bez obzira na trajanje projekta koji ulazi i u narednu godinu.

Zašto se u troškove planirane u projektima može uračunati školarina aplikanta za doktorski studij.

Zašto se 30% novca može dati eksterno za neke nedefinisane usluge?

Zašto komisija ne može smanjiti iznos sredstava koje zasluži jedan projekat ako smatra da postoje stavke koje ne zaslužuju podršku već se mora isplatiti potpuni iznos.

I na kraju zašto nema posebnih programa za nabavku opreme potrebne za unapredjenje naučnoistraživačkog rada i finansiranje objavljivanja članaka u naučnim časopisima i učešće na konferencijama.

Sarajevo 31.5.2021.

Vedran Jakupović